



ОРХОН АЙМГИЙН СОНГУУЛИЙН
ХОРООНД

**ОРХОН АЙМАГ ДАХЬ
ТӨРИЙН АУДИТЫН ГАЗАР**

61033 Орхон аймаг, Баян-Өндөр сум,
Урт булаг баг, Ханддоржийн
гудамж, Утас/Факс: 70359826

Цахим шуудан: orkhon@audit.gov.mn

2024.07.31 № 265
танай _____-ны № _____-т

Дүгнэлт хүргүүлэх тухай

Төрийн аудитын тухай хуулийн 6 дугаар зүйл, Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.5, Хөгжлийн бодлого, төлөвлөлт, түүний удирдлагын тухай хуулийн 5.4-т заасан Төрийн аудитын байгууллагын бүрэн эрхийн хүрээнд 2024 оны Аймаг, нийслэл, сум, дүүргийн иргэдийн Төлөөлөгчдийн Хурлын ээлжит сонгуульд оролцох Үндэсний эвслийн сонгуулийн мөрийн хөтөлбөрийг хянаж, дүгнэлт гаргалаа.

Үүрэг хариуцлагын талаарх мэдээлэл

Аймаг, нийслэл, сум, дүүргийн иргэдийн Төлөөлөгчдийн Хурлын 2024 оны ээлжит сонгуульд оролцох нам, эвсэл болон бие даан нэр дэвшигч нь сонгуулийн мөрийн хөтөлбөрөө Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хууль, Төсвийн тогтвортой байдлын тухай хууль, Хөгжлийн бодлого төлөвлөлт, түүний удирдлагын тухай хууль болон Монгол Улсын Үндэсний аюулгүй байдлын үзэл баримтлал, “Алсын хараа-2050” Монгол Улсын урт хугацааны хөгжлийн бодлого, Улсын Их Хурлаас баталсан хөгжлийн бодлого, төлөвлөлтийн баримт бичигт нийцүүлэн боловсруулж, санхүүгийн тодорхой эх үүсвэр шаардсан зорилт арга хэмжээг хэрэгжүүлэхэд шаардагдах зардлын талаарх тооцоо, судалгааг гарган хуульд заасны дагуу дүгнэлт гаргуулах үүрэг хүлээнэ.

Дүгнэлтийн үндэслэл

Төрийн аудитын байгууллага нь Аймаг, нийслэл, сум, дүүргийн иргэдийн Төлөөлөгчдийн Хурлын 2024 оны ээлжит сонгуулийн мөрийн хөтөлбөрийг хянан үзэхдээ Төрийн аудит MNS 6817 - 1 : 2020 Төрийн аудит, Тулгуур зарчим, MNS 6817 – 6 : 2020 Төрийн аудит. Нийцлийн аудитын зарчим, MNS 6817 – 8 : 2020 Төрийн аудит. Нийцлийн аудит стандартыг удирдлага болгон Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хууль, Төсвийн тогтвортой байдлын тухай хууль, Хөгжлийн бодлого төлөвлөлт, түүний удирдлагын тухай хууль болон Монгол Улсын Үндэсний аюулгүй байдлын үзэл баримтлал, “Алсын хараа-2050” Монгол Улсын урт хугацааны хөгжлийн бодлого, Улсын Их Хурлаас баталсан хөгжлийн бодлого, төлөвлөлтийн баримт бичиг, Монгол Улсын нэгдсэн төсвийн 2024 оны төсвийн хүрээний мэдэгдэл, 2025-2026 оны төсвийн төсөөллийн тухай

хууль, холбогдох байгууллагаас авсан тайлан, судалгаа, мэдээллийг тус тус шалгуур болгон авч үзсэн.

Дүгнэлт

Үндэсний эвслийн Аймаг, нийслэл, сум, дүүргийн иргэдийн Төлөөлөгчдийн Хурлын 2024 оны ээлжит сонгуульд оролцохоор ирүүлсэн сонгуулийн мөрийн хөтөлбөрийн зорилт, арга хэмжээ нь Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.3 дахь хэсэг, Хөгжлийн бодлого төлөвлөлт, түүний удирдлагын тухай хуулийн 5 дугаар зүйлийн 5.3 дахь хэсэг, Төсвийн тогтвортой байдлын тухай хуульд заасан тусгай шаардлагад тус тус нийцсэн байна.

Мөрийн хөтөлбөр ⁵..... хуудсыг хавсаргав.

ДАРГА,
ТЭРГҮҮЛЭХ АУДИТОР

A handwritten signature in black ink is written over a red rectangular official stamp. The stamp contains Mongolian text, including the name 'Ц.НАРМАНДАХ' and the title 'ТЭРГҮҮЛЭХ АУДИТОР'.

Ц.НАРМАНДАХ



**ОРХОН АЙМГИЙН ИРГЭДИЙН ТӨЛӨӨЛӨГЧДИЙН ХУРЛЫН
2024 ОНЫ СОНГУУЛЬД “ҮНДЭСНИЙ ЭВСЭЛ”-ЭЭС ДЭВШҮҮЛЖ БУЙ**

МӨРИЙН ХӨТӨЛБӨР



Мөрийн хөтөлбөрийн үндсэн чиглэлүүд

1. ЭВ УХААНААР ЗАСАГЛАЯ
2. ЧАДДАГААР НЬ ХИЙЛГЭЭ
3. ХОТЛООРОО БАЯЖЬЯ
4. АЙМГАА НОГООРУУЛЪЯ


2024 оны 6 сар

“ҮНДЭСНИЙ ЭВСЭЛ”-ийн ДОТООД ИТГЭЛ:

Хөгжлөөрөө түүчээлэгч дэлхийн улс орнуудын амжилтын үндэс нь ердөө ардчилал буюу арддаа хамтран засаглах эрхийг олгож, нийгэмдээ тэгш журамт дэглэмийг тогтоож, шилдгээ улс төрд илгээж, тэдгээрээс холч оновчтой бодлого гарч, бодлогынхоо хүрээнд хүүхэд залуучууддаа шилдэг боловсролыг, хувийн хэвшилдээ эрх чөлөөг олгосонд л байгаа юм.

Монгол хүний оюуны чадамж бусадтай харьцуулахад илүү юу гэхээс дутуугүй. Өнөөдөр цөөн хэдий ч монгол хүний чадамж гайхагдсан хэвээр. Тухайлбал, Монгол залуус хиймэл оюун ухаан зохион бүтээх, хүний биед хорт хавдар үүсэхээс өмнөх шинж тэмдгийг тогтоох туяа судлах зэрэг эрдэм шинжилгээний ажлыг нэр хүнд бүхий гадаадын их сургууль, шинжлэх ухааны байгууллагуудад хийж байна. Монголын залуус сансарт өөрсдийн зохион бүтээсэн хиймэл дагуулаа хөөргөж байна. Хувийн хэвшлийнхэн дэлхийн бизнесийн томчуудтай эн зэрэгцэн ширээний ард суух мэдлэг чадамжтай ч болж байна.

Монголчууд бидэнд хүчирхэг Монголоо эргэн цогцлоох боломж дүүрэн байна гэдэгт Үндэсний Эвсэл итгэдэг. Монголчууд бид эвсэж, хүчээ нэгтгэн асах, унтрахын зааг дээр байгаа цучил дээр хэт цахиур цохиж, хөгжлийн галыг бадрааж чадна гэдэгт Үндэсний Эвсэл итгэдэг.



ОРХОН АЙМГИЙН МӨРИЙН ХӨТӨЛБӨР

1. ЭВ УХААНААР ЗАСАГЛАЯ

1.1. Цогц төлөвлөлт, цомхон удирдлагатай аймаг

- 1.1.1 Төрийн алба мэргэжлийн, нээлттэй, хариуцлагатай, цомхон байх өөрчлөлтийг аймгийн засаг захиргааны нэгжийн шинэчлэлтэй уялдуулан хийнэ.
- 1.1.2 Төрийн үйл ажиллагааг ил тод болгох замаар авлигатай тэмцэж, аймаг сумдын төрийн албаны мэдээллийн нээлттэй санг үүсгэн, иргэд төрийн үйл ажиллагаа, төсвийн хуваарилалт, шийдвэр гаргах үйл явцтай холбоотой мэдээллийг авах боломж бүрдүүлнэ.
- 1.1.3 Аймгийн төрийн албаны үйлчилгээг хүртээмжтэй, шуурхай, төрийн үйлчилгээг хялбар болгоно. Төрийн үйлчилгээний хүлээлтийн хугацааг эрс багасгаж, хэрэглэгчдэд ээлтэй болгоно.

1.2 Оролцоог хангах цахим засаглалтай аймаг

- 1.2.1 Бодлого боловсруулахад иргэдийн дуу хоолой-г тусгах зорилгоор олон нийтийн хэлэлцүүлгийг тогтмол зохион байгуулж цахим тогтолцоог ашиглан, иргэдийн оролцоо-г хангаж, төрийн шийдвэр гаргах үйл явцыг хүртээмжтэй болгоно.

2. ЧАДДАГААР НЬ ХИЙЛГЭЭ

2.1. Суурь шийдэлтэй аймаг

- 2.1.1 Дулаан хангамжийг сайжруулах шинэ технологи нэвтрүүлэгч хувийн хэвшлийн байгууллагуудын үйл ажиллагааг дэмжиж ажиллана. Аймаг сумдын хэмжээнд одоо ашиглагдаж байгаа дулааны шугамыг нэмэгдүүлэх, хуучин шугамыг засварлаж сайжруулах ажлыг эрчимжүүлнэ.
- 2.1.2 Аймаг сумдын хэмжээнд одоо ашиглагдаж байгаа дулааны шугамыг нэмэгдүүлэх, хуучин шугамыг засварлаж ажлыг эрчимжүүлнэ.
- 2.1.3 Ус хангамжыг нэмэгдүүлэх зорилтын хүрээнд сумдын төвийн цэвэр усны сүлжээг нэмэгдүүлнэ.
- 2.1.4 Гудамж хорооллын бохир ус, ариутгах татуургын инженерийн шийдлийг төр хувийн хэвшлийн түншлэлийн замаар нэмэгдүүлэх төслийг хэрэгжүүлнэ.
- 2.1.5 Жаргалант суманд бие даасан инженерийн байгууламж бүхий орон сууцны барилгыг барьж байгуулах зураг төсвийн ажлыг төсвийн хөрөнгөөр боловсруулна.

2.2 Хүртээмжтэй аймаг

- 2.2.1 Боловсролын хүртээмжийг нэмэгдүүлэх чиглэлээр сумдын сургууль, цэцэрлэг, дотуур байр, спорт заалны тоног төхөөрөмж, барилгын урсгал болон их засваруудыг шат дараатайгаар хийж сурган хүмүүжүүлэх нөхцөл байдлыг сайжруулж ажиллана.

2.2.2 Аймгийн боловсрол, соёлын салбарт гадаад улс орны хотуудтай санал солилцох, туршлага хуримтлуулах замаар гадаад хамтын ажиллагааг нэмэгдүүлнэ.

2.2.3 Аймгийн багш нарын боловсролыг чадавхжуулах замаар гадаад, дотоодын мэргэжил дээшлүүлэх сургалтад үе шаттай хамруулах ажлыг идэвхжүүлнэ.

2.2.4 Жаргалант сумын эмч ажиллагсдыг стандартад нийцсэн ажлын байрыг засварлаж тохижуулах, нийгмийн асуудлыг сайжруулж ажиллана.

2.3 Тааламжтай орчинтой аймаг

2.3.1 Сум орон нутгийн хог хаягдлын нэгдсэн цэг нэг бүрийг дахин төлөвлөх, ариутгал халдваргүйжүүлэх ажлыг үе шаттай зохион байгуулна.

2.3.2 Аймаг, сум, багийн бүх түвшинд гадна тохижилтын ажлыг үе шаттай хэрэгжүүлж ая тухтай амьдрахад таатай нөхцөлийг бүрдүүлнэ.

2.3.3 Сум орон нутгийн суурьшлийн бүсүүдэд аюулгүй, амар тайван орчныг бүрдүүлэх камержуулах ажлыг нэмэгдүүлнэ.

2.3.4 Гэр хорооллын ус хангамжыг бохирдолоос хамгаалах, зохистой ашиглах хүн амыг эрүүл ахуйн шаардлагад нийцсэн усаар хангах шинэ бодлогыг хэрэгжүүлнэ.

2.4 Иргэндээ ээлтэй аймаг

2.4.1 “Хүүхдэд ээлтэй аймаг” хөтөлбөрийн хүрээнд бүтээлч сэтгэлгээтэй, өөртөө итгэлтэй, байгаль, түүх, үндэсний хэл соёл уламжлалын чиглэлээр сургалт, арга хэмжээг зохион байгуулна.

2.4.2 Аймгийн залуучуудын боловсролд зээл тусламжын хүртээмжийг нэмэгдүүлж шаардлага хангасан бүх иргэнд алагчлалгүй олгох нөхцөлийг бүрдүүлнэ.

2.4.3 Ахмад настандаа идэвхтэй, эрүүл амьдрахад зориулсан “Ахмадад ээлтэй аймаг” хөтөлбөр санаачилж хэрэгжүүлнэ.

2.4.4 Аймаг орон нутгийн хэмжээнд хөгжлийн бэрхшээлтэй иргэдийг идэвхжүүлэх, харилцаа хандлагыг хөгжүүлэх, нийгмийн үйлчилгээ үзүүлэх, сэргээн засах хөгжлийн төвийн үйл ажиллагааг идэвхжүүлэх шинэ хөтөлбөрийг хэрэгжүүлнэ.

3. ХОТЛООРОО БАЯЖЬЯ

3.1. Бизнесийг дэмждэг аймаг

3.1.1 Дотоодын болон гадаадын аялагчдад зориулсан аялалын төрөлжүүлсэн маршрутыг боловсруулан орон нутгийн бизнес эрхлэгчдээ дэмжиж ажиллана.

3.1.2 Жаргалант сумын ногоочдын үйл ажиллагааг дэмжих зорилгоор намрын улиралд түр ахуйн үйлчилгээний төвийг хувийн хэвшлийн оролцоотой зохион байгуулж ажиллана.

3.2. Орлоготой иргэнтэй аймаг

- 3.2.1 Хөдөө аж ахуйн боловсруулах үйлдвэрүүдийг сум орон нутагт үе шаттай нэмэгдүүлнэ.
- 3.2.2 Бичил бизнес эрхлэгч нарын үйл ажиллагааг дэмжих, өргөжүүлэх зорилгоор дотоодын сургалтыг төр, хувийн хэвшлийн хамтын ажиллагаанд суурьлан зохион байгуулна.

4. АЙМГАА НОГООРУУЛЪЯ

4.1 Ногоон орчинтой аймаг

- 4.1.1 Аймгийн ногоон ажил эрхлэлтийг дэмжиж ядуурлыг бууруулан ногоон амьдралын хэв маягийг төлөвшүүлэх сургалтуудыг зохион байгуулна.
- 4.1.2 Гэр хорооллын бүсэд бичил цэцэрлэгт хүрээлэн барьж байгуулах боломжтой байршлыг судалж тухай бүр зураг төсвийн ажлыг улсын төсвийн хөрөнгөөр боловсруулна.

